

ليه الود هان



سألته ليه الود هان
وفين وصالنا بتاع زمان

وازاى يتوه الحب مَنَّا
وليه نقول كنا وكان

إمتى يعود الحب لينا
ويملا روحنا ود وحنان

.....

ليه الدموع تملأ العيون
والروح تقاسى من الظنون

والقلب يصرخ ف الضلوع
والعقل قرب ع الجنون

معقول تضيع أحلى المعاني
ونعيش فى ضلمة زى السجون

.....

ياريت يقول لى هجرنى ليه
وحياتى عنده تساوى إيه

دانا قلبى دايماً بيناديه
ونفسه يطمئن عليه

ويقول له ليه الود هان
ماتيجى نرجع زى زمان